

福建通志

第捌拾壹冊
文苑傳

福建文苑傳卷一

唐

許令之字珍君長溪人初居山聞龍吟神龍二年第進士開元中

闕書有遷右庶

子四

爲左右

一作

補闕兼太子侍講

讀一作

時東宮官僚清議令之以詩自悼

題於公署曰朝旭上

一作明月夜

團團照見先生盤盤中何所有苜蓿長闌干

飯蔬匙難綰羹稀飭易寬只可

一作何以

謀朝夕那能度

一作何由保

歲寒玄宗因

幸東宮覽之不悅索筆判曰啄木嘴距長鳳皇羽毛短若嫌松桂寒任逐

桑榆暖令之遂謝病徒步東歸久之上聞其貧甚心憐之詔以長溪歲賦

實之令之計月而受餘無所取及肅宗即位召欲以爲大臣而令之已卒

家亦貧於是上益歎其廉勅命其鄉曰廉村溪曰廉溪以旌之著有明月

先生集

唐詩言閩川名士傳東越文苑傳

芳杜令之之孫或云其弟之子清簡寡慾英明有斷鄉人爭訟不之官府

而之芳杜得一言皆帖服肅宗踐祚念令之有啟沃舊恩召用其子孫芳

杜固辭不赴

閣書

林藻字緯乾披子少與歐陽詹刻意攻文最善詞賦貞元七年省試合浦還珠賦藻草稿定憑几假寐恍惚有謂之者曰君賦甚佳但恨未叙珠去來之意藻悟遂足之曰珠之去也山無色兮氛霧冥冥海無光兮空水浩漭珠之來也川有媚兮祥風習習地有潤兮生物振振賦奏杜黃裳讀之謂曰敘珠去來豈有神助耶遂登第官主殿中侍御史嶺南節度副使作行書婉約豐妍得智永筆法爲多宋御府藏其所作深慰帖一有集一卷

閩川名士傳唐書藝文志宣和書譜懷麓堂集東越文苑

王魯復字夢周連江人長於詩詞多諷刺相國王涯李固言俱見賞識貞元大曆閒獻詩於朝仕爲邕府從事嘗誦郎中皇甫湜有重名其人能文章足爲借譽也身往請之湜不時見魯復移書責之曰韓文公接賢樂善孳孳不倦公師其文安可不師其道乎自此携酒弔文公之墓不過公所矣湜遽謝魯復與語語日移不厭於是徧贊賓客王天生賢士也吾不如

魯復居恒草衣騎牛而過市中旁若無人者嘗聞臺省有疑獄乃自言宰

相願往鞠之其清狂若此

八閩通志閩書東越文苑福州府志

蔡沼字虛中歐陽詹同邑人又詹至親詹以文沼以學共受遣於長吏求

試於宗伯詹下第虛中登太常第省親歸詹有序送之

歐陽行周集

邵楚萇字待倫閩縣人貞元中及第爲校書郎楚萇雅有詩名每賦一篇

草稿甫就輒已臚傳士大夫矣楚萇嘗賦長歌題馬侍中燧亭子言其壯

麗侍中恐以此得罪

閩書作馬以爲愧

遽毀其亭由是詩名益振

東越文苑八閩通志

陳通方閩縣人博學工文辭然性多易沾沾自喜貞元十年登進士第年

二十五同年王播年五十有六矣通方年少心暉之戲拊其背曰王老王

老奉贈一第言日暮途遠便同贈官也播喻其意答曰陳少陳少切莫發

惡誚其爲惡少也後通方丁家艱辛苦萬狀播爲正郎判鹽鐵通方窮悴

求之助不甚給時李虛中爲副使通方以詩求爲汲引播不得已薦爲江

西院官後通方登第者同縣陳彥博字朝美官信州貴溪令李滂字注善

官大理寺評事薛承裕字饒中國子四門博士陳蜀字文郁林袞字謙言

官秘書郎俱有時名

閩川名士傳唐詩紀事湧幢小品東越文苑八閩通志閩書

陳詡字載物閩縣人貞元十三年登進士第先是上以涇原兵亂車駕播遷興元初始還長安至是西掖有柳春瘁而秋榮詡乃獻瑞柳賦以寓意其詞曰柳變西掖瑞彰聖時感巡遊之未至失榮落於先期雨露所均常比中園之鬱鬱宮闈暫閉若無春日之遲遲所以望車塵之行幸慰都人之怨思物若有憑神固難宰生植不易地而孤影忽同秋而異色豈上天之降鑒俾下民之是則於以激忠臣之心於以彰大君之德初斯柳之失常人未知其爲祥秦原之烟景明媚漢苑之草樹芬香獨孤彫而槁瘁似永隔於風光無絮花之似雪意膏露之凝霜及夫天迴舊步未得其性干官捧日以輸忠萬騎從龍而翊聖彼衆芳之已歇我得秋而始盛豈固異於常材實願貞乎景命偉夫瑞發匪遙成天意之孔昭德惟可覽結人心之幽怨不然柳且無情曷枯而生其枯也當烟景之晦其生也表氛氲之

情與時不偶叶聖斯呈政或可持疾風始知平章勁節無所立歲寒徒稱
平栢貞宜其俯鳳池而濯潤接難樹以連榮儒有因物比興屬詞揣稱聞
瑞柳於春宮遂掄揚於天應賦奏上覽之大說詡以此名聲籍甚三府交
許之詔官終戶部員外郎知制誥有詩十卷列唐書藝文志今軼子納字
廣裕會昌中及第

東越文苑八閩
通志閩南唐雅

許稷字君蒞晉江人泉州刺史輔乾之孫也輔乾卒於泉葬於莆其子楸
大憚武帥家莆東并羣盜掠莆楸武起義兵勦除之餘盜復來報仇楸文
家於泉少挾策入關遇舍人陳詡四門助教歐陽詹校書郎邵楚萇侍
御林藻在是帥閩川舉子釀酒食會諸先達詹以稷鄉人親故特與俱詡
歸廣陵口今日之會子何人斯輒冒其閒稷投杯憤排曰男兒患不能立
志霄漢豈有局鐫王侯出處豈必常耶叨此一殮稷之過矣曠酒而出入
終南山發書伏而讀之三年出就府薦遂擢貞元十八年第工歌詩嘗爲
江南詞三首甚綺麗後歷南省員外郎從駕西幸有勞賜賚甚厚終衡州

刺史

閩川名士傳莆陽文獻萬姓統諸八閩通志東越文苑傳閩書

案道光通志以南省員外郎爲比部尙書郎又與蘭陔詩話以輕稷者

爲林藻今從其多者又稷父允居莆田後居泉州故有以爲莆人者

陳去疾字文醫侯官人元和中及第得告還家時觀察使裴父獎振儒風特加禮異又改名其鄉曰柱枝後爲邑府副使卒同縣人林傑字智周幼而聰警言發成文年甫六歲舉童子科觀察使崔干亦加禮異副使鄭立爲作奇童傳年十七而卒

八閩通志

周匡物字幾本龍溪人以詩歌著名未第時嘗作古鏡歌有欲向高臺對曉開不知誰是孤光王之句王播見之大加賞異曰當爲此子作孤光王及元和十一年播知貢舉而匡物及第漳人及第自匡物始匡物應舉家貧徒步經錢塘江乏餽船資久不得濟題詩公館云萬里茫茫天塹遙秦皇底事不安橋錢塘江口無錢過又阻西陵兩信潮郡牧出見遂罪津吏自是命勿取舉選人錢及第後以詩謝播後官至高州刺史兄匡業貞

元八年明經及第爲鄱陽令與匡物齊名子漢傑令漳浦孫鄢明經術有祖風五世孫仁祚宋初補郡經業長

八閩通志閩書閩川名士傳

案名士傳作元和十二年萬姓統譜匡業作匡著均誤

潘存實字鎮之漳浦人與周匡物相友善讀書天成山後自修業於梁山時稱周潘二先生初應舉以晨光麗仙掌賦及雙陸子賦得各元和十三年庾承宣侍郎下試禮耕情田賦及玉聲如樂詩入格登第初授東宮左庶子累遷戶部侍郎浦人登第自存實始存實有用世志覽郭璞閩城記曰南臺沙合公輔卽出自是凡遇自閩來者輒問南臺江可揭衣未也傳作有孟嘗春申平原信陵四君子贊其詞曰四人爲身萬二千人爲耳目四人爲梁萬二千人爲榱桷有危可平有死可生豈彼威憑實惟義爭嗟乎人之家或財不自與心不自是妻不睦夫父不慈子而況乎萬二千士乎哉恨不覩此

唐文粹八閩通志漳浦縣志道光舊志

歐陽衮字希周

閩書周作甫

閩縣人以應舉游長安數射策不中與項斯爲詩

福建文苑傳

唐

相賞與斯齊名寶曆元年及第官監察御史二子琳玘皆登進士第復中

宏詞以詩賦世其家

東越文苑閩書

黃膳南安人有文聲所交皆當世名賢郡牧烏重儒妻以女爲築十里沙堤直抵其廬夾植刺桐間里榮之號秀才堤累舉不第後就辟天德軍從

事尋中飛語黜湘陰令舍人劉三復秋兼謫封赦俱以詩送之未幾卒

閩書

盛均字之才南安人第大中十一年進士聰穎超邁文名一時舍人皇甫煥辯博自雄每賓客及門置酒延坐廣引發難屈者多不終席自引去惟均酬答如響時謂勍敵煥遂與投分語數日不厭嘗廣白氏六帖爲盛氏十二帖貫穿囊括頗資時好其書今不傳惟存桃林塲一記而已永春在唐爲桃林塲也仕終昭州刺史其文見唐文粹者有真龍對孔子不曆聘解人早解等篇其人早篇云涖灘歲越垠曠早塞諸陽遷市不雨祈山川庶神不雨觴土龍舞巫覡愈又不雨或言邦有術人能捕退龍而譟之昔歲嘗然農剌其澤及召術人至而旱色如故太守怒亟命擒之術人遁去

矣其遺囊有書一幅目曰人旱旱有三曰天旱國旱人旱曷爲天旱蹇陽肆凶下土祗愼雖六七歲黎民不饑曷爲國旱君道熾災德涸仁枯貪風暴氣蒸爲時厲曷爲人旱邦燬其政吏賊其行千里人心燥不爲陰夫天早求諸仁仁洽而時豐國早求諸德德潤而澤流人早求諸政政清而俗阜今貨游於上刑黷于下百姓焦愁結成狼暑所謂人旱者也邦守不清其政而建龍貨雨是猶乘輦適海象半望翼於何可冀乎太守得書增怒是歲自正月不雨至於五月明年殍死數千人而太守亦以財禍均爲此

文以議切時事云

八閩通志閩書選
總山房叢拾稿

陳子爲之晉江人

舊通志作
惠安人

以詞賦擅名尤工篆隸登開成三年進士

第...宗馬官刑部郎中帝讀其霓裳羽衣曲賦而善之曰安得此琬琰器哉其辭曰我玄宗心崇全道化叶無爲制神仙之妙曲作歌舞之新規被以衣裳盡法上清之物序其行綴乃從中禁而施原夫采金石之清音象蓬壺之勝槩俾樂工以交太儼彩童而相對瀟灑合節初聞六律之和搖

曳動容宛似羣仙之態爾其絳節迴互霞袂飄颻或眇眇以不動或輕盈而欲翔八風韻肅清音思長引洞雲於丹墀之下颯天風於紫殿之旁懿乎樂洽人和曲含仙意雜管絃之繁節澹君臣之玄思清淒滿耳無非冲漠之音颯沓盈庭盡是雲霄之事吾君所以凝清慮慕玄風無更舊曲用纂成功既心將道合乃樂與仙同說康平於有截延聖壽於無窮美矣哉調絳冲虛音惟雅正予以增逍遙之境予以暢恬和之性遂使俗以廉平人無紛競是天地之訢合致朝廷之清淨小臣忭而歌曰聖功成兮至樂修大道叶兮皇風流願揣侔於竹帛贊玄化於鴻休帝既善嘏作賦遂有意成大用之以疾卒

東越文苑閩書萬姓統譜

蕭序字次元侯官人開成三年進士是歲閩中登第者四人朝士詩云幾人天上爭仙桂一歲江南折四枝閩中自是號爲文儒之鄉膺官至大理

司直

八閩通志

鄭誠字申虞閩縣人會昌二年進士及第文筆峭絕與同縣林滋詹雄齊

名雄工詩格書筆兼高滋長詞賦而誠長於文整閩中三絕又時人爲之
語曰滋賦誠文誠累官國子司業刑部郎中郢安鄧三州刺史滋字原
厚象亦曾昌中及第嘗爲邊城曉角賦有云迴出探之師半依空磧立不
收之馬盡在平蕪累官金部郎中王鐸辟爲判官有望九華山詩世人傳
之雄字伯鎮布衣也

閩書八閩通志東越文苑

陳鏞字希聲侯官人大中初及第精史傳文體類西漢後復應史科官終
鄂州刺史

八閩通志

林簡言字欲訥福清人慕韓退之之爲人上書自通所著有漢武封禪論
其詞曰仲尼以季氏旅泰山爲僭漢武封泰山非僭歟無其位無其德爲
事僭也有其位無其德爲事亦僭也又聞封泰山報成功也斯皆德稱乎
位者爲之若必義神農者也若軒轅顓頊者也若堯舜禹湯者也漢武封
禪奚慕哉秦乎必義乎秦政封禪二代而滅固不可慕也若以必義堯舜
爲心亦宜仍伏羲堯舜之道以所行之道侔之乎彼茅茨不翦而木不杙

材豈曰侔哉彼舞于兩階而黷武窮邊豈曰侔哉彼用夔典樂而李延年
進豈曰侔哉彼設謗木而捕人誹死者豈曰侔哉在漢武計宜罷去不侔
行其侔者已行之則卿大夫行之卿大夫行則國人行之夫如是雖不封
禪而必義堯舜之德之美自至矣奈何取司馬相如諛佞遺草內欺方寸
外欺千古矯名竊德冒烟雲躡凌競封泰山禪梁父好商辛夏季之好迹
必義堯舜之迹季氏之僭安可逃乎昔齊桓公議封禪管夷吾用他辭能
之以其無帝王之位故也無德無位相去幾何倘漢朝有人如管夷吾
川三春茅以藉口不使其君與季氏等大中閒及第時羅讓爲廉帥簡
奏記請蠲門戶之役讓深器之曰昔盈川徐公以相國免二鄉今福唐
公以上第免一族不亦宜乎官終漳州刺史

閩書唐文粹八閩通志
萬姓統譜東越文苑

林謫閩縣人博學善講貫屬文尤美初嘗俛從鄉舉後養高不仕以爲閩
雖興於文而未有述往之事是以遺踪缺焉於是訪搜舊聞編列山川而
論之作閩中記十卷而後作者嗣起皆請發之也時廉帥李貽孫極器重

之八閩通志
東越文苑

王榮字輔之

一作文

福唐人咸通二

名士傳作三

年鄭侍郎謹下進士及第試倒

載千戈賦天驥呈材詩榮詞賦清婉有江南春賦末云今日併爲天下春
無江南兮江北又有詔遣軒轅先生歸舊山賦馬惜錦障泥賦尤美榮風
姿雅茂舉措端詳成名歸廉使杜公宣猷請署團練巡官將有瑤席之選
公辭以舊與同年陳郎中榮有要約就陳氏婚時益以誠信奇之初就府
薦馮涯爲試官三箭定天山賦爲涯所知以宋言爲解頭榮第二京兆尹
怒涯不取旨揭命收榜數年及第又首捷玉不去身賦春水綠波詩古公
去邪論李公隲時自內翰林出爲江西觀察使辟爲團練判官復平判入
等授大理司直未幾除太常博士入省爲水部郎中方榮及第歸陳黯送
序有云麟羣之衆也必聖其龍羽族之多也必瑞其鳳鳳非四翼龍非二
首所以異者惟其稀出耳進士科由漢迄唐爲擢賢之首榮早歲業儒而
深於詞賦其體物諷調與相如揚雄之流異代而同工也黃巢據京闕朝

士或伴... 歸不知所之或云終於鄉里

閩川名士傳唐文粹

案閩書以黯之序為送聚中宏詞科誤也序明言進士科

連總字舍川閩縣人咸通九年及第賦筆典麗為溫庭筠所稱賞

八閩通志

葉京字垂孫建安人極有賦名咸通中登進士第州人登第自京始時士

大夫深疾宦官事有小部... 共棄之京向遊大梁嘗預公宴因與監

軍使面熟及至京時... 而行逢其人於通衢馬上相

揖因之謗議喧然後... 唐摭言八

陳黯字希孺莆田人父贊通經及第娶江夏黃氏賢而生黯黯無昆仲姊

妹十歲能詩才思敏速十三袖詩一通謁清源牧其首篇詠河陽花時面

上豆清新愈牧戲之曰藻才而花貌胡不詠歌黯應聲曰玳瑁應難比斑

犀正不加天嫌未端正滿面與裝花縣是聲名大振於州里十七為詞賦

作蘇武謫漢武帝陵廟賦便為作者推伏二十為文松姿柳態山屹波注

黯語默有程進退可法早孤事母孝無意求仕既而其子蔚冠母勉之曰

付蔚於潘岳之筵俟爾於都說之桂方起無庸試貢闈年已過四十矣乃
會昌乙丑逮咸通乙酉屢試不第與同郡王肱蕭樞同邑林顥漳浦赫連
韜福州陳旆陳發詹雄齊名隱於同安之嘉禾貞讀書終其身其文有辨
謀等篇黯文詞不尙奇切理也意不偶立重師古也其詩篇詞賦牋檄皆
精而切於官試尤工黃御史酒其內姪也幼常侍坐後就其季子蘧求遺
稿得文三十一首賦若干首他處得詩若干首天復元年奉使錢塘與羅
隱遇隱言咸通初與黯定交於蒲津秋賦之場賦則五老化爲流星詩則
漢武橫汾爲試官嚴郎中都之吟諷秋場五十人之降仰今遺稿可叢
序之云

黃御史集全五代
詩小傳東越文苑

案唐書藝文志僞黯南安人清源文獻同郡齋讀書志因黃滔羅隱前
後集序僞其族望曰潁川先生誤作潁川人然據黃滔所撰陳嶠墓誌
黯實莆田人蓋滔與黯同時又係戚誼其言可信也墓誌云閩越江山
莆陽爲靈秀之最詞人疊疊若陳厚慶陳泛陳黯林顥許溫林速許龜

圖黃彥修許超林郁俱以夢筆之詞籙金之學半生隨計汲齒含冤云
云莆田本屬南安析而復併唐時復置莆田故或以爲南安也又舊志
皆謂黯避黃巢之亂先隱終南後隱同安攷黃巢之亂始於乾符二年
而黯已前卒咸通中又黯字或作希儒不知汲黯字仲孺黯之名字蓋
取于此也

赫連韜漳浦人會昌咸通閒士多困蹟而連韜與莆田陳黯並祭酒布衣
黃御史滔謂連韜以不羈之材出人之行懇懇乎進趨恂恂乎鄉黨而自
坎于命

閩書

鄭隱字伯起福清人累辟府幕有時名

閩書

林嵩字降神長溪

今福州

人登乾符二年進上第明年歸省極爲觀察使李

晦所重尋召除祕書省正字值黃巢之亂遂東歸觀察使辟爲團練巡檢
官轉度支使秉公贊理舉賢良裨政化雖在軍旅不忘俎豆之事後除工
部博士官至金州刺史初嵩工詞賦宏麗侈靡其要歸於規風賦見唐書